



Broj SU-08-1117-9/24
Sarajevo, 17. marta 2025. godine

Na osnovu člana 64. stav (1) tačka (b) i člana 70. stav (1), (2), (3) i (6) Zakona o javnim nabavkama („Službeni list BiH“, broj 39/14, 59/22 i 50/24), Pravilnika o uslovima i načinu korištenja e-aukcije („Službeni list BiH“ br. 80/23) i člana 4. Odluke o stvaranju obaveza u Ustavnom sudu Bosne i Hercegovine, broj P-1132/17 od 20. decembra 2017. godine, predsjednica Ustavnog suda Bosne i Hercegovine, donosi

ODLUKU
o izboru najpovoljnijeg ponuđača

Član 1.

Ugovor za nabavku osiguranja službenih vozila Ustavnog suda Bosne i Hercegovine za 2025. godinu zaključuje se sa ponuđačem GRAWE OSIGURANJE d.d. Sarajevo, ponuda broj 3241/25, za ukupnu ponuđenu cijenu od 3.330,34 KM za sva tri vozila, u skladu sa preporukom Komisije za izbor najpovoljnije ponude.

Član 2.

Ova odluka stupa na snagu danom donošenja i dostavlja se svim ponuđačima koji su sudjelovali u postupku javne nabavke, u skladu sa članom 71. stava (2) Zakona o javnim nabavkama.

Obrazloženje

Postupak predmetne nabavke pokrenut je Odlukom o pokretanju postupka 27. decembra 2024. godine. Javna nabavka je provedena putem konkurentskog zahtjeva za dostavu ponuda, a Obavještenje o nabavci i tenderska dokumentacija objavljeni na Portalu javnih nabavki 20. februara 2025. godine broj 514-7-2-44-3-18/25 te sažetak prosljeđen Službenom listu na objavu. Komisija za javnu nabavku je blagovremeno i pravilno izvršila otvaranje i ocjenu prispjelih ponuda, o čemu je sačinila odgovarajuće zapisnike, u kojima je utvrđeno slijedeće:

- Da je ukupan broj pristiglih ponuda šest (6);
- Da je blagovremeno zaprimljeno šest (6) ponuda;
- Da je broj prihvatljivih ponuda šest (6);
- Da je broj neprihvatljivih ponuda nula (0);

Komisija za nabavku je nakon izvršenog pregleda prihvatljivih ponuda i održane e-aukcije, predložila izbor GRAWE OSIGURANJE d.d. Sarajevo, ponuda broj 3241/25, za ukupnu ponuđenu cijenu od 3.330,34 KM za sva tri vozila, kao najpovoljnijeg ponuđača.

Ova odluka objavit će se na web stranici Suda www.ustavnisud.ba istovremeno s upućivanjem ponuđačima koji su sudjelovali u postupku javne nabavke, shodno članu 70. stav (6) Zakona o javnim nabavkama.

POUKA O PRAVNOM LIJEKU:

Protiv ove odluke žalbu može podnijeti svaka osoba iz člana 97. Zakona o javnim nabavkama BiH, u roku od najkasnije 5 (pet) dana od dana njenog prijema, na način definisan članom 99. Zakona o javnim nabavkama BiH. Žalilac koji je propustio izjaviti žalbu gubi pravo tražiti ispitivanje zakonitosti po istom osnovu, u kasnijoj fazi postupka.



Dostaviti:

1. Ponuđačima: 6.-
2. Odjelu za finansijske poslove
3. Arhivi